

فرسان رمضان | #خطبة_الجمعة | د. حازم شومان

حازم شومان

ان الحمد لله نحمده ونستعين به ونستغفبه ونستغفره ونعوذ بالله من شرور انفسنا ومن سيئات اعمالنا. انه من يهده الله فلا مضل له. ومن يضل فلن تجد له هاديا مرشدا. يا ايها الذين امنوا اتقوا الله حق تقاته. ولا - [00:00:00](#)

لا تموتن الا وانتم مسلمون. يا ايها الناس اتقوا ربكم الذي خلقكم من نفس واحدة منها زوجها وبث منهما رجالا كثيرا ونساء. واتقوا الله الذي تساءلون به الارحام ان الله كان عليكم رقيبا. يا ايها الذين امنوا اتقوا الله وقولوا قولا سديدا - [00:00:40](#)
اصح لكم اعمالكم ويغفر لكم ذنوبكم. ومن يطع الله ورسوله فقد فاز فوزا عظيما. اما بعد هنيئا امة محمد. هنيئا لمن بلغه الله رمضان. هنيئا لمن فاز باستقبال شهر رمضان. بيننا وبين رمضان - [00:01:10](#)

عاد بفضل الله سبحانه وتعالى ثلاث اربع ساعات ان ربنا احياك فيهم تبقى من اهل رمضان. تبقى من من بلغه الله رمضان من واحنا بندعي اللهم بلغنا رمضان. وقد بلغنا الله رمضان. فاما انت فاعل؟ ناوي على ايه؟ يا اخواننا تخيل قصر كبير - [00:01:30](#)
البن جنابين وحدائق وولائم ونعيم وانت نفسك انك تروح. كل ما تيجي تقرب تلاقي كلاب بوليسية شرسة هجمة عليك. ترجع ثاني كل ما تيجي تقرب تلاقي كلاب شرزة هاجمة عليك. ترجع ثاني. جه واحد قام ماسك الكلاب كلها ربطها والطريق فضي. تعمل ايه - [00:01:50](#)

تنتقل على القصر وعلى النعيم وعلى الولايم على طول. اهو ده رمضان يا امة محمد. الجنة قدامنا ولكن الشياطين عاملة الكلاب الشرسة تحول بيننا وبين الجنة. ربنا صعد لك الشياطين في رمضان. فاما انت فاعل؟ هتنتقل للجنة ولا مش هتنتقل للجنة - [00:02:10](#)

رمضان يا اخوانا زمان لما كنا نتفرج على مسابقات الجري الميت متر. فتلاقي العدائين كلهم قاعدين في وضع الاستعداد. وفجأة يبدأ شرط الانطلاق كله يجري. تلاقيهم كلهم واصلين جنب بعض في نهاية المسابقة. صام مسابقة قصيرة جدا اصلا. تلاقي الاولاني وصل في تسع سواني. الثاني - [00:02:30](#)

تسع سواني وعشر اجزاء من السانية. فيقول لك هو ايه الفرق بين الاول والثاني؟ يقول لك البداية الانطلاقة الاولانية لان ما فيش عداء يلحق هيفرق عن عداء في ميت متر. الانطلاقة الاولانية اهو ده رمضان يا جماعة. رمضان عامل زي مسابقة الميت متر. رمضان ما هواش طويل زي ما ربنا سبحانه وتعالى قال - [00:02:50](#)

اياما معدودات. لما ام تحب تخوف ابنها تقول له يا ابني انا ايامي في الدنيا معدودة. يعني استسمر كل دقيقة انا عايشة معك فيها. فرينا بيحند قلبك وبيفهمك قيمة رمضان بيقول لك اياما معدودات. يومين وهيروحووا من ايدينا يا جماعة. والوقت بنقول كيف نستقبل - [00:03:10](#)

رمضان يومين وهنقول ماذا بعد رمضان؟ يبقى الوقتي القضية في البداية من اول ليلة لله في كل ليلة عتقاء من النار دهني بازن الله نشن على العتق من النار. انك تبقى من عتقاء الله في رمضان من اول ليلة. ماشيين من اول ليلة على ابواب الجنة التمانية. من - [00:03:30](#)

اول صلاة المغرب النهاردة واذان المغرب النهاردة تفتح ابواب الجنة فلا يغلق منها باب. يعني ربنا فتحها لك. يعني هو ربنا فتحها لك ليه غير عشان يريدوا انه يدخلك فيها. يبقى من اول ليلة نشن على ابواب الجنة التمانية. من اول ليلة نشن على ليلة القدر. الرسول عليه الصلاة والسلام يقول لاصحابه - [00:03:50](#)

قد حضركم رمضان. قد حضركم رمضان جه اهو. فيه ليلة خير من الف شهر. من حرم خيرها فقد حرم الخير كله ولا يحرم خيرها الا محروم. النبي عليه الصلاة والسلام يقول لهم اللي هيتحرم من ليلة القدر ده ما خدش حاجة. ده ضاع عليه الغنيمة - [00:04:10](#)

العظمى في الحياة من حرم خيرها فقد حرم الخير كله ولا يحرم خيرها الا محروم. طب يا رسول الله عليه الصلاة والسلام انت بتكلمني عن ليلة القدر من اول رمضان ليه ؟ احنا لسة في بداية رمضان. لان ليلة القدر يا جماعة اللي بيغوز بها. ليلة القدر دي ثمره الاجتهاد في رمضان. اللي مش - [00:04:30](#)

من اول ليلة هيوصل للنهاية ياخذ الجائزة الكبرى ازاى ؟ اللي هي ليلة القدر. عايزين نركز في رمضان. يبقى رمضان مش ثلاثين يوم. رمضان سبعمية وعشرين رمضان احسبه بالساعة. ما من ساعة تمر بابن ادم لا يذكر الله تعالى فيها الا حسر عليها - [00:04:50](#)

يوم القيامة كل ساعة من عمرك هتعدى من غير ذكر لله هتندم عليها يوم القيامة. ده دي الساعة العادية. امال ساعات رمضان! امال ايام رمضان اللي كله عتق من النار ليل نهار. اللي كله دعاء مستجاب ليل نهار. اللي تلتين الليل تنزل لرب الارباب. الله يتنزل في كل - [00:05:10](#)

قائلة طول السنة في الثلث الاخير من الليل الا رمضان. يتنزل في الثلثين الاخيرين من الليل. الله سبحانه وتعالى رمضان ده الا ان في في ايام دهركم نفحات الا فتعرضوا لها. نيجي هنا بقى نلاقي ناس بتميل لقول الله سبحانه وتعالى - [00:05:30](#)

تبدلو نعمة الله. الم ترى الى الذين بدلوا نعمة الله كفرا؟ اوعى ربنا يفتح لك ابواب الجنة التمانية ويقفل لك ابواب النار تفتح لك ابواب السماوات وفي النهاية ربنا يقول للملائكة اين عبيدي؟ يقولوا له على القهوة في الخيمة الرمضانية قدام المسلسل - [00:05:50](#)

الرمضانية قاعد بياكل وخلص طول الليل وبالنهار نايم اوعى بعد ما ربنا يعمل لك كل ده تضيع عليك رمضان اوعى اوعى تحط آآ تبقى عامل زي التاجر الكبير اللي في عز الموسم بيكسب الافات كل يوم. وحاطط على الكاشير في الحسابات حرامي. الراجل -

[00:06:10](#)

بياخد من الناس الفلوس بدل ما يحطها في صندوق الفلوس يحطها في جيبه. اوعى الحسنات اللي هتكسبها من التراويح والصيام القيام والاعتكاف تضيعها قدام مسلسلات رمضان. تضيعها قدام لهو قدام. اوعى تضيع اللي ربنا سبحانه وتعالى فتحه لك من -

[00:06:30](#)

ابواب الرحمة في رمضان. اوعى تحط على الحسابات بتاعتك حرامي وانت في عز الموسم. يا اخوانا رمضان خافض رافع زي ما ربنا سبحانه وتعالى يقول اذا وقعت الواقعة يعني يوم القيامة ده عامل زي حاجة فوق راسك كده فجأة هتقع عليك. اذا وقعت الواقعة ليس لواقعتها كاذبة - [00:06:50](#)

اه رافعة يقول زيد بن اسلم من خفض يومها فلن يرتفع ابدًا. ومن ارتفع امها فلن ينخفض ابدًا. يعني ايه؟ الدنيا فيها خفض وفيها رفع. ولكن انت ممكن تبقى مليونير السنة دي والسنة الجاية ما عكش فلوس. انت ممكن - [00:07:11](#)

الوقتي ما عكش فلوس سنتين ربنا يفتح عليك تبقى راجل. ياما هنا ياما هناك. يبقى الدنيا فيها خفض ورفع بالتبادل. قاعد يطلع وينزل الانسان. انما في اخرة اللي هيرتفع مش هينزل تاني. واللي هينخفض مش هيطلع تاني. غير ان هو الفرق اغنى واحد في البلد وافقر واحد - [00:07:31](#)

في البلد امبارح كلوا ايه ؟ اغنى واحد كل لحمة وافقر واحد كل فول؟ هو دا الفرق يعني بين الخفض ورفع في الدنيا؟ انما يوم القيامة ده واحد واقف في ظل عرش الله في المقصورة الملكية بيشر من ايد النبي عليه الصلاة والسلام. واقف على منابر من

نور وواحد واقف - [00:07:51](#)

الف سنة في حر شمس القيامة تغلي دماغه من حر القيامة. يعني تخيل كده يعني لو انت مش قاعد تسمع الخطبة في المسجد تحت المراوح لو انت بتسمع الخطبة في الشمس مرة يعني ولمدة تخيل انت بقى يبقى احساسك ايه؟ انسان واقف خمسين الف سنة في حر شمس القيام وده بص - [00:08:11](#)

وده مسلم وده بيقول لا اله الا الله وده بيقول لا اله الا الله ولكن الفرق الحسنات والسيئات. رمضان خافض رافع يا اخوانا عايزين

ندخل رمضان جديد. عايزين نفهم قيمة رمضان. اللي مش هيتغفر له زنوبه في رمضان. هيتغفر له زنوبه امتي؟ وانت داخل رمضان ثلاث يفت كبيرة - [00:08:31](#)

الاولى مكتوب عليها من قام رمضان ايماناً واحتساباً غفر له ما تقدم من ذنبه. الله اكبر! من طب شفت دليت لكل الماضي بتاعك. خلاص تبدأ من اول وجديد في علاقتك برنا صفحة جديدة. ده اللي يصلي التراويح الثلاثين يوم. اليافطة الثانية خد - [00:08:51](#) مالك اللي كاتب اليف واديه محمد ابن عبدالله؟ عليه الصلاة والسلام. اليافطة الثانية من صام رمضان ايماناً واحتساباً غفر له ما تقدم من من ذنبه اليافطة الثالثة اللي كاتبها لك رسول الله صلى الله عليه وسلم. من قام ليلة القدر ايماناً واحتساباً غفر له - [00:09:11](#) وما تقدم من ذنبه عشان تقوم ليلة القدر محتاج تعتكف. لان ليلة القدر ما بتجيش بالنشان. دي عايضة واحد قاعد لها زي ما النبي عليه الصلاة والسلام كان بيعمل. تخيل فرص - [00:09:31](#)

المغفرة دي كلها من وانت داخل. اللي مش هيتغفر له في رمضان هيتغفر له امتي؟ اللي مش هتعتق رقبته من النار في رمضان. هتعتق رقبته امتي رمضان يا اخوانا اليوم بتصوم فيه كم تلتاشر اربعتاشر ساعة يعني حوالي خمسين الف سانية. يوم القيامة خمسين الف سنة انت بتعطش - [00:09:41](#)

رنا خمسين الف سانية رنا يقيك عطش خمسين الف سنة. كما قال النبي صلى الله عليه وسلم ولله في كل في يوم وليلة عتقاء من النار. يعني العتق من النار في رمضان مش في الليالي بس. في الايام وفي الليالي. ثلاثين يوم. ثلاثين ليلة - [00:10:01](#) فرصة عتق من النار هتجيبهم ثاني منين؟ يعني انت من المغرب للفجر عندك فرصة عتق من النار هتعمل ايه بقى الليلة بقى؟ ها كل ليلة ممكن تعتق بها من النار. كل يوم ممكن تعتق دي من النار. فيه ناس مستعدة تدفع عمرها وملياراتها عشان تعتق من حبل المشنقة لو اتحكم عليها باعدام - [00:10:21](#)

طب الاشد حبل المشنقة ولا جهنم والعياذ بالله؟ تدفع ايه بقى؟ بكرة ان شاء الله بازن الله بكرة السبت من الفجر للمغرب عندك فرصة من النار هتعمل ايه بقى؟ لازم كل يوم وكل ليلة تعمل حاجة مع ربنا تقول له يا رب دي بنيتي انك تعتقني من النار. هتعمل ايه؟ - [00:10:41](#)

هتعمل ايه؟ اللي مش هيتغير في رمضان هيتغير امتي؟ الراجل اللي يجي للنبي عليه الصلاة والسلام الشاب قال له اذن لي في الزنا. النبي عليه الصلاة والسلام قال له اترضاه لامك - [00:11:01](#) ترضاه لاختك في دقيقة الشاب نسي قصة الزنا ديت وبقى انسان ثاني. طب رمضان مش دقيقة. رمضان شهر كامل فرصة للتغيير كما قال اصحاب النبي صلى الله عليه وسلم عن رسول الله صلى الله عليه وسلم وكان اجود ما يكون. في رمضان حين يأتيه جبريل فيدارس القرآن - [00:11:11](#)

اجود اجود افعل تفضيل. يعني اعلى عبادة اعلى كرم شافوه في حياة النبي عليه الصلاة والسلام كان في رمضان. يعني اللي مش هيتغير في رمضان هيتغير امتي؟ اللي مش هيفوز بالجنة في رمضان هيفوز امتي؟ مكافأة نهاية الخدمة في رمضان. مش شقة في المساكن الشعبية. مكافأة نهاية رمضان - [00:11:31](#)

مش فلوس مكافأة نهاية رمضان جنة الريان. واهن لريح الجنة. اني لاجد ريح الجنة دون رمضان. بينك وبين الجنة رمضان سلعة الله الغالية رينا فتح لك ابوابها التمانية وقال لك قدامك اهي في رمضان. يا ترى هتعمل ايه؟ الجنة قدامك والشياطين مصفدة - [00:11:51](#)

وابواب النار مقفولة وربنا فتح لك ابواب الطاعة. والمساجد مفتوحة. وابواب السماوات مفتوحة. وفرص العتق من النار قدامك وفرص المغفرة قدامك. والملك متنزل هتعمل ايه؟ كل الفرصة الرهيبة دي ربنا مديها من ايديك. عشان كده اللي مش هيفوق في رمضان - [00:12:11](#)

هيفوق امتي؟ قال رسول الله صلى الله عليه وسلم رغم انف امرئ راغم يتمرغ في تراب ارض المحشر من الندم رغم انف امرئ رمضان ولم يغفر له. يا ويله يعني النبي عليه الصلاة والسلام بيقول لك اللي مش هيلعب في رمضان اللي هيلعب في رمضان مش بس

هـيخسر ده هـيهلك - 00:12:31

ده رمضان ليـدخلك الجـنة يدخلك النار. يعني رمضان مش بس فرصة للجـنة. لأ طب واللي هـيلعب رغم انـف امرئ ادرك رمضان ولم اتعامل مع رمضان ده اللي هو اخر رمضان في حياتك. هـتعلم ايه؟ هـتعلم ايه لو رمضان راح منك؟ طب لو قابلت ربنا بـرمضان واحد ربنا قبله منك - 00:12:51

وربنا فتح عليك فيه خليه رمضان ده. اعتبره اخر رمضان في حياتك واتعامل معه ان هو حياة او موت. يا جماعة اللي مش هـيحل مشاكله في رمضان هـيحلها امتي؟ ده ربنا سبحانه وتعالى بيتنزل لك ثلثي الليل. عارف يعني ايه ثلثين الليل؟ يعني من و انت راجع من صلاة التراويح كده لحد الفجر - 00:13:11

تلتين الليل الملك متنزل هل من سائل فاعطيه عطاء خاص من الله سبحانه وتعالى في رمضان ولله ولله في كل يوم وليلة دعوة مستجابة. ربنا ادى لك في كل يوم وليلة دعوة مستجابة. يعني عندك ستين شيك على بياض. دعوة مستجابة في رمضان غير انك صايم - 00:13:31

فدعائك مستجاب وانت صايم وعند الفطر. غير ان الملك بيتنزل في دعائك مستجاب في تلتين الليل. عايز ايه بقى؟ اللي لو فضل عندك مشكلة واحد ملياردير قابل شاب فقير وغلبان ومش لاقى يتجوز ادى له دفتر شيكات كله ممضي على بياض قال له يا ابني خذ الدفتر ده هدية مني لك. اللي انت عايز تملى به في اي شيك - 00:13:51

آآ كل ما مشكلة تقابلك اكتب المبلغ اللي انت عايزه في اي شيك واسحب اللي انت عايزه من رصيدي في البنك. لو الشاب ده فضل فقير وغلبان هو اللي مضيع نفسه بقى. يا عم - 00:14:11

دا انت شيك تجيب به شقة وشيك تتجوز به. وشيك تجيب به حـتة ارض وتزرعها ولا تعمل عليها مشروع. انت عايز ايه؟ ربنا مديك رمضان اهو تفطر شيكات على بياض. لله المثل الاعلى. هـتعلم ايه؟ اللي مش هـيحل مشاكله في رمضان. اللي مش هـيستمطر عطاءات الله بالدعاء في - 00:14:21

موضوعنا هـيحل مشاكله امتي؟ اللي مش هـيثقل موازينه في رمضان. هـيثقل موازينه امتي؟ النبي عليه الصلاة والسلام يقول فيه ليلة خير من الف شهر. ليلة خير من الف شهر يعني بقرن من الزمان. قرن يعني لو واحد في سورة الف تسعمية وتسعناشر اللي كانت القرن اللي فات في اول القرن اللي فات. واحد دخل - 00:14:41

دخل جامع من ايام سورة الف تسعمية وتسعناشر وقعد من يومها لحد النهاردة يصوم كل يوم ما فطرش ولا يوم. ويقوم الليل ما نمش ولا ليلة انت لو في ليلة قدر تحصله. لو فزت بليلة قدر واحدة. تحصلوا قرن من الزمان يتحط في ميزانك. اللي مش هـيثقل ميزانه في - 00:15:01

رمضان هـيثقل ميزانه امتي؟ ودي ليلة. ليلة في رمضان. فمتى ستثقل الموازين؟ اللي مش هـيأمن قبره في رمضان. هـيأمن قبره امتي قال النبي صلى الله عليه وسلم ان الميت اذا وضع في قبره فانه يسمع قرع نعالهم؟ اذا ولوا مدبرين - 00:15:21

اول ما الناس تدفنه وهم ماشيين كده بقى يبدأ ايه؟ قلبه يزرع بقى يسمع قرع نعالهم. سمع بقى خبطات رجليهم في الارض وهم سايبينه وحده خلاص ما عدش فيه حد معه. ما عدش فيه حد هـينفعه عادش فيه حد يملك له اي شـيء. لوحده ليس معه الا الله -

00:15:41

ليس معه الا عمله فانه يسمع قرع نعالهم. اذا ولوا مدبرين فان كان مؤمنا كانت الصلاة عند رأسه. والصيام عن يمينه والزكاة عن شماله فيؤتى من عند رأسه. ملايكة العذاب تيجي تعزبه على الزنوب اللي عملها. فيقوم - 00:16:01

اولو الصلاة فتقول الصلاة ما قبلي مدخل. الصلاة تمنعه ان الملايكة العذاب تيجي له من عند رأسه. اسمع بقى اسمع بقى عشان تستبشر رمضان ثم يؤتى من عن يمينه تيجي ملايكة العذاب من على يمينه في القبر فيقول الصيام ما قبلي مدخل؟ صيام - 00:16:21

بنبص ينجيك من عذاب القبر. صيام رمضان بس. فما بالك بقى باقي العبادات اللي في رمضان. لو ما صلحتش قلبك في رمضان هـتصلح قلبك امتي لواق راجل ملط ملياردير وكل حياته صفقات وصاحب مالتني ناشيونال جروب والراجل يعني عنده اموال

وشركات وهو رايح - [00:16:41](#)

يعقد صفقة من الصفقات فجأة جا له ازمة قلبية. الراجل صرخ بدل ما يطلعوا على الصفقة طلعا على مستشفى الطوارئ حطوه في العناية المركزة ركبوا له اكسجين وركبوا له خراطيم على صدره وركبوا له محاليل. الراجل بيموت. جاه واحد يقول لهم يا جماعة انا لازم اقبله الوقتي. تقابله ليه؟ انا - [00:17:01](#)

في صفقة بيني وبينه بعشرة مليون دولار. هيقولوا له ايه؟ يقولوا له لا يمكن تقابله ازاي؟ يا عم الراجل بيموت حياته اهم. بييجي واحد ثاني يا اخوانا انا كان بيني وبينه معاد خطير. بيتوقف عليه عشرات الملايين من الدولارات. يقولوا لا يمكن ليه؟ الراجل بيموت حياته اهم - [00:17:21](#)

اهو اعتبر نفسك كده في رمضان. انت بقى قلبك قلبك بيموت. حياة قلبك اهم مهما كان. ركز في العناية المركزة الربانية اللي ربنا اداها لك. ركز الوقت في علاقتك بالمصحف. في علاقتك بكتاب الله. حياتك اهم. علاقتك بالله اهم - [00:17:41](#)

الشهر ده اكتب على قلبك وقف لله تعالى. اكتب على حياتك كلها وقف لله تعالى. ان شاء الله بازن الله بعد قوم بقى نايه نرجع ثاني قلوبنا بقى تتفاعل مع الدنيا ثاني انما انا قلبي في رمضان للقرآن لعلاقتي بالقرآن لتطهير - [00:18:01](#)

بالقرآن لتزكية نفسي بالقرآن. عشان ابقى صفحة جديدة مع ربنا. اطهر الماضي بقى وابدأ علاقة حقيقية مع كتاب الله سبحانه وتعالى. يا اخوانا اللي مش هيتغير في رمضان هيتغير امتي؟ رمضان يعني عشان كده هو ليه اهل الباطل مرعوبين من رمضان؟ رمضان وفوق - [00:18:21](#)

هو ليه اللي اهل الباطل والعلمانيين وبتنوع الاعلام مرعوبين من رمضان ليه؟ لانهم عارفين رمضان ده ممكن يغير في الامة قد ايه ورمضان ده ممكن يوقظ الناس ويرجعها لربنا قد ايه. عايز تعرف ليه اعداء الدين مرعوبين من رمضان؟ اسمع اية واحدة من كتاب الله سبحانه وتعالى - [00:18:41](#)

وانت تفهم هم مرعوبين من رمضان ليه؟ قال تعالى شهر رمضان الذي انزل فيه القرآن هدى للناس. وبينات من الهدى والفرقان شهر شهر ايوه ده مش خطبة ده مش خطبة الجمعة تحضرها وممكن تبقى تعبان مش مركز ركزت وبعد كده رحت - [00:19:01](#)

ده شهر كامل. ده معسكر تغيير. ده ثلاثين يوم وتلاتين ليلة. ده سبعمية وعشرين ساعة بيتعرض قلبك لاشعة القرآن النورانية. ما فيش قلب امراض في قلب هتسبت. قدام قرآن سبعمية وعشرين ساعة - [00:19:21](#)

شهر رمضان. يعني ايه رمضان يا جماعة؟ رمضان ممكن من الرمد. الرمد ده المطر اللي بينزل على الارض المحروقة. على الارض اللي عطشت وخلص هتموت من العطش. اه بالزبط كده. رمضان جاي على قلوب مشتاقة اوي. جاي على قلوب عطشانة. عطشانة لمغفرة الله. عطشانة - [00:19:41](#)

الريان عطشانة لرحمة الله. عطشانة للعتق من النار. عطشانة انها تمسك المصحف وتقرأ. عطشانة للاعتكاف عطشانين رمضان الرمد اللي هو المطر اللي بينزل على الارض اللي خلاص محروقة. او الارض اللي هي خلاص بقى يعني هتموت من العطش - [00:20:01](#)

من الماء او من الرמיד. الرמיד اللي هو عارفين الموس موس الحلاقة. ده زي الرמיד كده. او السيف اللي سنه محمي اوي. الرמיד ده عامل زي موس الحلاقة كده الرמיד فتخيل يقول لك فيه آآ جراحة العلاج بالكلي. يعني رمضان ده جراحة استئصال لامراض الامة - [00:20:21](#)

عملية جراحية كده للامة استئصال او من الرمضاء. الرمضاء الصخور اللي بتلوع من الحر من حر الشمس في هذا الوقت الرمضاء يعني حاجة زي العلاج بالكلي كده. يعني رمضان هيستأصل بؤر الشهوة والشبهة من جوة قلبك. هيطهر قلبك. هيرجع - [00:20:41](#)

افتح قلبك قلب جديد ودي بالنسبة لاهل الباطل مصيبة. شهر رمضان الذي انزل فيه القرآن. يعني البداية كانت في رمضان. لان الامة دي كلها سر السيرة هو القرآن. رمضان من التأثير الى التغيير. احنا مش عايزين رمضان نعيط فيه دمعتين. احنا مش عايزين رمضان - [00:21:01](#)

نبكي فيه ونرتاح ونحس ان احنا بقينا كويسين ونرجع زي ما كنا. مش عايزين رمضان تأثير بس. عايزين رمضان تغيير. رمضان من

تأثير الى التغيير. عايزين نتغير في رمضان. عايزين نقرا القرآن صح في رمضان. عايزين نسلم قلوبنا لكتاب الله. ومعاني كلام الله -

[00:21:21](#)

في رمضان اني اصطفيتك على الناس برسالاتي وبكلامي. هو كل واحد بيتفاضل عند ربنا بايه؟ القرآن والدعوة الى الله. على حسب حظك من اللاتين دول على حسب مقامك عند الله سبحانه وتعالى. جت فرصة نقف مع القرآن الذي انزل فيه القرآن. العرب قبل القرآن

والعرب بعد القرآن. العرب قبل - [00:21:41](#)

ابرهة الحبشي راح يهجم على الكعبة. كلهم استخبوا في بيوتهم. وعبد المطلب طلع قال له هات لي الغنم والبهايم بتاعتي. ده انا جاي اهد بيت العبادة بتاعتي وانتم مش بتفكروا غير في دنيتم ونجاتكم. ابرهة نفسه زهل. زهل من جبن العرب وعدم مواجهته. ده

العرب قبل القرآن. العرب - [00:22:01](#)

بعد القرآن خارجين يفتحوا ميلاد فارس والروم. ويفتحوا العالم كله في سنوات معدودة. ليه؟ القرآن يا جماعة. يبقى القرآن ممكن يبقى ولادك للامة ولادة جديدة لقلبك الذي انزل فيه القرآن. شف بقى الكلمة اللي راعى بها اهل الباطل من رمضان هدى للناس وبينات

من الهدى والفرقان - [00:22:21](#)

اقعد هدى للناس وبينات من الهدى والفرقان. رمضان هيديك خط سير. رمضان هينور لك طريقك تاني. رمضان هيعرفك انت رايح رايح فين وايه الطريق بتاعك لان الشيطان عايز يتوهك. الشيطان يريد ان هو يخرجك عن طريقك الى الله. رمضان يرجع ينورها لك

تاني - [00:22:41](#)

للناس وبينات من الهدى والفرقان. فمن شهد منكم الشهر فليصمه. ومن كان مريضا او على سفر فعدة من ايام اخر سيد الله بكم

اليسر. يا رب اليسر ازاى؟ ثلاثين يوم صيام. ثلاثين يوم تراويح. ختمت قرآن - [00:23:01](#)

عشر تيام اعتكاف. يا رب ده موضوع صعب يا رب ده رمضان ده عايز مرحلة ومجدعة يريد الله بكم اليسر. ما هو انت لو تعبت مع القرآن هستريح في كل حاجة بعد كده في حياتك. ولا يريد بكم العسر. ولتكملاوا العدة. ولتكبروا الله. اهل الباطل مش - [00:23:21](#)

ازن الامة تهدي لرمضان. فكل رمضان الامة بترجع فين ربنا؟ نصر الله نصرنا على الشيطان. ولتكبروا الله على ما هداكم لعلكم تشكرون شوفوا الاية اللي بعدها بقى. الناس خرجت من رمضان حالها ايه؟ واذا سألك عبادي عني فاني قريب. قربت من ربنا بقيت

قريب الى الله - [00:23:41](#)

اه بقيت حبيب الى الله والمسلمين بعدي يسألونك عن الجبال يسألونك عن المحيض. يسألونك ماذا ينفقون؟ بقى اذا الك عبادي عني الناس بقت بتسأل عن الله ومعرفة الله بقى فيه اتصال مباشر بينك وبين الله رمضان هيرفعك وهيغير - [00:24:01](#)

حياتك عشان كده اهل الباطل مرعوبين من رمضان. اوعى تكون محروم في رمضان. اوعى تبقى من المحرومين. النبي عليه الصلاة والسلام امر بالمنبر فجاء المنبر النبي عليه الصلاة والسلام قعد يصعد درجة درجة وكل ما يسعى الدرجة يقول امين. يقولوا فيه ايه يا

رسول الله؟ قال لهم جبريل بيدعي وانا بامن. بيقول - [00:24:21](#)

بعد وفي رواية رغم انف امرئ ادرك رمضان ولم يغفر له. قل امين فقلت امين. يعني رمضان يدخلك الجنة هيدخلك النار. فيه ناس محرومة يا جماعة. اللي مقضيين رمضان على القهاوي. اللي مضييين رمضان في في الكورة وفي المسلسلات. رغم - [00:24:41](#)

انف امرئ ادرك رمضان ولم يغفر له. زي ما النبي عليه الصلاة والسلام قال عن ليلة القدر. من حرم خيرها فقد حرم الخير كله ولا يحرم خيرها الا محروم. اللي ربنا ما بيكسبوش ليلة القدر ده. ده انسان محروم بقى والعياز بالله. المحرومين في رمضان. زي ما النبي عليه

الصلاة والسلام قال اذا - [00:25:01](#)

جاء رمضان فتحت الجنة اذا شاء رمضان زي اذا جاء نصر الله والفتح كده. ده فتح من الله سبحانه وتعالى. قال رسول الله صلى الله عليه وسلم انزل انزلت صحف ابراهيم اول ليلة من رمضان. اسمع الحديد الخطير ده عشان تعرف ان رمضان كله لازم نستغله ولازم

نستسمره - [00:25:21](#)

ولاظم نعيش معه. قال رسول الله صلى الله عليه وسلم انزلت صحف ابراهيم اول ليلة من رمضان. وانزلت التوحيد لست مضيينا من

رمضان. يعني ليلة سبعة رمضان. وانزل الانجيل لثلاث عشرة ليلة - [00:25:41](#)

من رمضان يعني ليلة اربعتاشر رمضان. وانزل الزبور لثماني عشرة خلت من رمضان. يعني سيدنا داود نزل ليلة تسعتاشر رمضان.

وانزل القرآن لاربع وعشرين خلق من رمضان. يعني القرآن نزل ليلة خمسة وعشرين - [00:26:01](#)

رمضان الحديس ده استفاد منه ايه ؟ اول حاجة انزلت صحف ابراهيم اول ليلة من رمضان. يعني اول ليلة ممكن الفتح يبجي فيها. ما تعرفش الفتح فين القرآن ليلة خمسة وعشرين. الزبور ليلة تسعتاشر. الانجيل ليلة اربعتاشر. التوراة ليلة سبعة. صحف ابراهيم. ليلة

- [00:26:21](#)

يعني رمضان كله فتح. يعني رمضان كله نور. يعني رمضان في اي موضع ممكن فتح ربنا يتنزل. و صحف ابراهيم في اول ليلة. يعني ممكن الفتح يبجي في اول ليلة اوعى تستهين باول ليلة. اوعى تستهين بالليلة دي. اوعى تستهين ببداية رمضان. وفي نفس الوقت ها

صحف ابراهيم - [00:26:41](#)

اللي والتوراة اللتين في العشرة الاوائل. الزبور والانجيل في العشرة الاواسط. القرآن في العشر الاواخر يعني ايه يعني ما فيش فرق في رمضان بين اول عشرة واوسط عشرة واخر عشرة يا جماعة. ما فيش حاجة اسمها انشط اول يومين وبعد كده ارجع بقى في

الليالي الوترية اخر رمضان. ما ينفعش يا اخوانا - [00:27:01](#)

يا اخوانا الطالب اللي بينشن عمره ما بيتفوق. الطالب اللي بيحجب ثلاث اربع اسئلة ليلة الامتحان الزاكري عمره ما يتفوق. اخره ينجح ده لو عدى. انما انه يتفوق ابدأ عايزين نتفوق في رمضان عايزين نعرف ان كل ليلة في رمضان فتح. وكل ساعة في رمضان فتح.

عايزين نبقي فرسان رمضان. فرسان في القرآن - [00:27:21](#)

والصيام والصلاة والاعتكاف في رمضان على قد حظك من رمضان. على قد حظك من الجنة. اقول قولي هذا واستغفر الله لي ولكم. الحمد لله ايها الكفاء وصلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله واليك يرجع الامر

كله. اللهم صل على عبدك - [00:27:41](#)

نبيك محمد صلى الله عليه وسلم في الاولين والآخرين وفي كل وقت وحين. اما بعد اخواني واحبابي في الله. فكما في الحديس

الشريف في صحيح البخاري واما الظلة التي تنطف السمن والعسل فهي ها واما الظلة التي تنطف السمن - [00:28:01](#)

عسل فهي القرآن. واحد صحابي شاف دول ليلة كده قاعدة تنزل سمنة وعسل. فالنبي عليه الصلاة والسلام ابو بكر بيقولوا له الرؤية فشف بقى تأويل الرؤية ايه. الصحابي مستغرب من المنزر طول ليلة جميلة. منزر كله راحة. والسمنة دي بندي طاقة رهيبة -

[00:28:21](#)

والعسل ده لذادة وطعامه وشفاء وعافية. حاجة ايه المنظر الجميل ده! فراح للنبي عليه الصلاة والسلام يسأله يا رسول الله ايه

الحاجة انا شفتها في الرؤية دي. شف بقى واما الظلة التي تنطف السمن والعسل فهي القرآن. القرآن طول ما انت - [00:28:41](#)

اتصل به بيديك طاقة بيديك سعادة. بيديك راحة. بيديك نور كما قال النبي صلى الله عليه وسلم. ان تجعل القرآن العظيم ربع قلبي. قلبي

يبقى على طول جنة ونور صدري. طريقي يبقى على طول منور بنور الله. وذهاب وجلاء حزني - [00:29:01](#)

اهاب همي ما عنديش اي امراض نفسية ولا عندي اي مشاكل. ولا عندي اكتئاب ولا ضيق ولا الاتصال بكتاب الله. فرصة يا اخواني فرصة انك انت ربنا مديك ثلاثين يوم تتصل بالقرآن. المرأة اللي جت للنبي عليه الصلاة والسلام. المرأة السوداء اللي كان عندها صرع

قالت له يا رسول - [00:29:21](#)

ادعو الله لي. ادعو الله لي ان يشفييني. فقال ان شئت دعوت الله فشفاك. وان شئت صبرت ولك الجنة. فقالت له اصبر ولي الجنة تكبر طول عمرها عشان الجنة. انت عايز تصبر ثلاثين يوم عشان الجنة. رمضان. عايز تصبر ثلاثين يوم. ثلاثين يوم مع القرآن عشان تتغير -

[00:29:41](#)

ثلاثين يوم مع كتاب الله. اخواني في الله اهم نصايح في رمضان. ان شاء الله كلنا هنصوم باذن الله يا رب. النية من الوقتي كلنا نية

قلوبنا ان احنا صايمين رمضان - [00:30:01](#)

بازن الله سبحانه وتعالى ولكن القضية الوقت الكبيرة هتعمل ايه في شهر القرآن؟ ها هتقرا خاتمة واحدة في اليوم كده وخلص.
القضية مش قضية الطهرت قد ايه اصلا مش قضيتك كام؟ ومش قضية انك تصلي التراويح بس انت قلبك مش عايش مع القرآن.
قضية سلم قلبك للقرآن في رمضان - [00:30:11](#)

قال رسول الله صلى الله عليه وسلم اني طرأ علي حزبي من القرآن. النبي عليه الصلاة والسلام مرة أتأخر عن ورد القرآن بتاعه. بسبب الانشغال في الدعوة الصحابة وساب الدنيا وقعد في بيته وخلص ورد القرآن. وبعد كده خرج للصحابة. فييقول لهم هو أتأخر عنهم ليه؟ الحديس حسينه ابن حجر العسقلاني. رحمه الله - [00:30:31](#)
فقال اني طرأ علي حزبي من القرآن. يعني ورد القرآن ده طوارئ. علاقتي بالقرآن يعني ايه طوارئ يا جماعة؟ تخيلوا واحد مسلا عنده مسلا انهيار عصبي والام نفسية ونوبات فزع نفسية وحالته النفسية رهيبه فالدكتور كتب له حقنة مهدئ كل يوم فبياخذها -
[00:30:51](#)

كل يوم فجه يوم ما خدهاش. ما رضاش ياخذها. جا له انهيار عصبي ونوبات فزع وحالته النفسية انهارت. فبعد كده الحقنة بالنسبة له ايه طوارئ ما ينفعش يعدي ميعادها. واحد لما ما خدش حباية دوا ربنا يحفظنا. واحد عنده سرطان وعنده الام رهيبه. الام مبرحة. فمرة - [00:31:11](#)

كسل وما خدش حقنة المسكن مسلا. الالام اشتدت عليه وما عرفش ينام. بعد كده حقنة المسكن دي بالنسبة له ايه؟ طوارئ. اهو شف النبي عليه الصلاة والسلام يقول لك على القرآن ايه؟ طوارئ اني طرأ علي حزبي من القرآن. اوعى اوعى تغفل عن القرآن. فرصة ان احنا نتصالح مع كتاب الله. وقال - [00:31:31](#)

رسول يا رب ان قومي اتخذوا هذا القرآن مهجورا. يوم القيامة شكوى مقدمة من رسول الله الى الله في هذه في الامة ان قومي في قومه بسبب هجر كتاب الله. سبب هجر تخيل لما النبي عليه الصلاة والسلام يشتكيك - [00:31:51](#)
ربنا يقول له يا رب ما كانش فيه علاقة بينه وبين القرآن. ولما يقرأ يقرأ كده وخلص عايزين نعيش مع القرآن بقلوبنا. عايزين نسلم قلوبنا للقرآن في رمضان. نقرا صح. زي ما ربنا سبحانه وتعالى قال ورتل القرآن. رتل القرآن. مش كذب آآ كلام وخلص. رتل القرآن.
الترتيل ده يعني - [00:32:11](#)

اية اية كلمة كلمة سيب الكلام يدخل قلبك سيب الكلام يعتق قلبك يعيش معه لو انا ايدي فيها يعني وسخة مش نضيقة وقمت جايب برميل مائة كبير. واربعة قاموا شاييلينه. يلا يا رجالة كبوا على ايدي. قاموا كابينه على ايدي. هبص لايدي كده الاقيها - [00:32:31](#)
لسة مش نضيقة وممكن كمان الماية يعني ايه عملت طين مكان الايه مكان البتاع. مع التراب والحاجات اللي مش موجودة فيها كانت موجودة. انما لو انا جبت ايه يعني حته مية قد كدهو. بق مية قد كدهو. وقمت قايل لواحد نقط لي على بس مكان آآ الحته اللي مش نضيقة دي. وقعدت ادعك كده وهو بينقطها - [00:32:51](#)

تنضف من خمس ست نقط ميه. يعني ايه؟ القضية مش ان انا اجيب المصحف واقوم كادب الايات على قلبي كده. يا اخوانا مش كده. يا اخوانا خلي الاية نضف قلبك صح. خلي لمع قلبك كده. نضف قلبك كده وانت بتقرا اية اية. طهر قلبك. سيدة سمية كان معها قد ايه من القرآن لما ضحى - [00:33:11](#)

بعمرها قدام ابو جهل. لما شتم النبي عليه الصلاة والسلام قامت باصقة في وشه فقتلها. كان معه قد ايه من القرآن. صفحاتين ثلاثة عشرة ولكن كانوا جوة قلبها هتخرج من رمضان بكام اية في قلبك؟ اقرا صح اللي هيتقري في التراويح النهاردة حضره من العصر عشان تبقى وانت بتسمع الايات في التراويح - [00:33:31](#)

مركزة قاريها مرة وانت بتقرا الخاتمة بتاعتك في رمضان. سلم قلبك للقرآن. يا عم هو مش مش حاجة فرض انك القرآن في رمضان. انما فرض انك تخشع وانت بتقراه. انك تعيش بقلبك وانت بتقراه. الله يعينك. اختم مرة اتنين ثلاثة عشرة - [00:33:51](#)
انت عايز بس المهم دخل من قلبك قد ايه؟ من القرآن. قلبك نور بمعاني القرآن قد ايه؟ ايه اللي قلبك شربه من القرآن؟ نسأل الله سبحانه وتعالى اللهم بلغنا رمضان واجعلنا فيه من الفائزين. اللهم ارفعنا برمضان. اللهم بارك لنا في رمضان. اللهم - [00:34:11](#)

اجعله شهر عتق من النار وشهر مغفرة. اللهم اجعلنا من الفائزين بابواب الجنة الثمانية. اللهم بلغنا ليلة القدر. واجعلنا فيها من الفائزين.
اللهم انزل الهداية على الامة في رمضان. اللهم اجعل رمضان هذا شهر عودة اليك وتوبة اليك - 00:34:31
اللهم يا ربنا اللهم اجعله شهر توبة وعودة واوبة وهدى ونور يا رب العالمين. اللهم اهدنا في رمضان وسددنا ففي رمضان واعنا في
رمضان وافتح علينا في رمضان. اللهم اجعل القرآن العظيم ربيع قلوبنا ونور صدورنا - 00:34:51
وجلاء احزاننا وذهاب همومنا برحمتك يا ارحم الراحمين. سبحانك اللهم وبحمدك اشهد ان لا اله الا انت. استغفرك واتوب اليك -
00:35:11